

春在堂全書

第三函
十二冊

癸丁編

春在堂詩編六

德清俞樾

癸酉季春楊石泉中丞招同彭雪琴侍郎至雲棲
作竟日之游詩以紀之

朝暎紅上蘇公隄
籃輿舁我遊雲棲
湘鄉中丞雅好客
欲陪鸞鳳招鳬鷺
湘羹楚酪行廚齋
伊蒲精饌營閣黎
衣冠脫略謝拘束
且喜昨雨今朝霽
老彭雖老興不低
酒酣吐氣凌雲霓
左手持杯右握管
六章詩抵千牟尼

侍郎卽席賦詩六章

忽然感舊心慘悽
十年辛苦提征鼙
青旗一

片蔽江下小姑山上親畱題

十萬大軍齊唱凱彭郎奪得小姑還侍郎舊題小姑

山句也侍郎在
軍中張青幟

崎嶇百戰江東西江中妖霧消鯨鯢同

時將佐半生死彭郎玉貌今成鰥已矣舊夢休重提尊
前一醉拚如泥更扶殘醉下山去夕陽剛照前山溪紅
躑躅花紅滿蹊森森綠玉千株齊蓮池遺蛻至今在其
旁更有法喜妻徘徊欲去仍畱稽浮屠百尺愁攀躋噴
月泉邊一分手映波橋上重扶藜歸途過六和塔下觀
噴月泉兩公從此入
城余則度映波橋
走蘇隄歸精舍垂楊兩斫桑千畦蘇隄兩畔
皆栽桑矣暮鴉已
向林閒啼歸來作詩記游覽勿嫌嘲哂同寒蛻

越三日招雪琴侍郎同游西湖侍郎有詩次韵奉

答

爲夢西湖好年年此往還

侍郎奉江間歲一至西湖

命巡長戈船將就

道鏡舫暫偷閒

是日所坐湖船名鏡舫

已築三潭屋親題五字顏

侍郎築屋三潭印月題曰西湖退省庵

來秋重九節再約叩松關

穀雨日陳竹川沈蘭舫兩廣文招作龍井虎跑之
游徧歷九谿十八澗及烟霞水樂石屋諸洞之勝
得詩五章

五年住西湖未盡南山勝遙指翠微閒探奇猶有勝暮
春天氣佳雲山發幽興二君有同志游事從頭定先日
戒輿丁臨行問山徑龍井至虎跑自晨游到暝
龍井寺久廢但存土神祠翁媪相偶坐不知所記誰其

旁有山家楚楚新茅茨山農頗好客飲我茶一卮青瓊
與綠髓清入人心脾是日逢穀雨正值新茶時乞取數
片歸珍惜如瓊芝

九溪十八澗山中最勝處昔久聞其名今始窮其趣重
重疊疊山曲曲環環路東東丁丁泉高高下下樹寧帷
看未足相約下興步愈進愈幽深一轉一回顧每當溪
折處履石乃得渡詩云深則硤此句爲我賦但取滌塵
襟不嫌溼芒屨俯聽琴筑喧仰見屏障護九疑有九谿
茲更倍其數迤邐到理安精廬略可住老僧具伊蒲欣
然爲舉箸

飯飽復入山先至烟霞洞前洞盡佛像但少香花供後
洞愈深邃側身入石縫持火乃可見四顧心駭惘內有
呂仙像名山仙佛共水樂洞殊小未足相伯仲所喜琤
琤聲不減琴三弄掬水惜雲腴溼衣愁暴凍不如舍之
去鳴泉尙諠囂我愛石屋好天然具宇棟其左爲別院
小坐足吟諷其右有小樓石乳猶凝凍最奇曰寶雲洞
口狹如甕俯循石級下豁然乃虛空日光穿漏入頗足
破昏霧天生此神境不知誰斲礱昔賢所畱題遠者自
北宋我亦書數言聊以寄幽夢

游事粗告備乃更至虎跑是時日已晚斜照餘林稍愛

此泉水佳且復酌一醵爰循蘇公隄仍踏西泠橋連日
事游覽頗足紓鬱陶雲棲蠟雙屐三潭浮輕舸今復披
蒙茸一徑爭猿獠作詩謝二君游興今年豪

家兄壬甫太守歿於福甯郡齋因馳赴福甯奉

太夫人北旋於五月二十六日至吳下鴈廬謹記

以詩

版輿安穩迎慈母

此句乃余初罷河南學政時詩

十七年前句尙新何

幸望雲今遂願只愁聽雨夜傷神要娛鶴髮高堂暮且

惜鶯花茂苑春回首長途心轉悸二千里路九旬人

太

人時年八十有八自福甯至蘇州幾及二千里

舊歲 覃恩兒子紹萊爲請一品封亦紀以詩

頻年韋布謝簪纓忽荷

惟恩意轉驚此日承歡當彩服他年偕重到銘旌蓬萊

舊藉

三朝遠雲水閒身二品榮聊與山妻作生日筭珈重爲

換釵荆

六月三日內子生日也卽於是日易命服

楊石泉中丞以闈中桂花盛開賦詩紀之卽次其

韵

畫戟森嚴鳳咮堂案頭文卷襍丹黃飽看試院幾株桂

應憶家園九里香

墨客揮塵云湖南人呼桂爲九里香中丞湖南人故云然記昔名

場曾屢踏卽今詩句有餘芳一箋示我西湖上添得吟
情分外狂

竹樵方伯

恩錫

被

命攝漕督以詩賀之

余與方伯唱和詩最多彙爲一卷題曰吳中唱和存
稿別行之故不存於集今聞其攝漕督余適在西湖
精舍又因先兄葬事將還德清未知能及至吳中送
別否依依之意不能無詩詩雖不工亦不能不存也
鶯花茂苑久句畱新拜除書督九州望重旬宣周召伯
功資轉漕漢鄼侯豈惟玉粒關

天庾更藉金湯鎮上游從此范韓勲業大清談可憶在

南樓

頻年吳下共分箋忽聽驪歌意惘然佳句流傳來浙水

時新寄到詩四首

大旗飛舞去淮堧遙知蕩節初移日正是梅

花欲放天爲報將軍卽才子

用白香山詩意

狂吟沿路有詩篇

甲戌春日彭雪琴侍郎寄和去歲纓字韵詩再次

韵答之

昔年慷慨請長纓此日閒居寵不驚南國風雲歸節制

西湖烟雨撲簾旌六橋許作鶯花伴四壁分來翰墨榮

前年承書樂知堂額今又書楹帖見贈

見說九秋重過我呼童縛帚掃柴

荆

周應芝司馬死難遺象題辭

君名憲曾字景侯號應芝仁和人道光庚子恩科
舉人署直隸廣平府同知分防臨洺關未數月粵寇
至大帥走其地無城可守或勸入城避賊君不可竟
死之其繼室蒯爲余同年蒯士香廉訪女弟廉訪時
官祥符縣聞警迎以車不肖去與側室郭同死一門
忠烈是可風矣廉訪以其遺像索題按劍特立生氣
凜然蓋卽死難時情狀也余爲賦此

臨洺關前陣雲黑雲擁到黃巾賊大官見幾走且匿
一夫慷慨死其職借問死者誰周君字應芝閬曹土地

非所司況有公解無城池君曰官此卽死此偷活草閒
吾所恥三尺龍泉電光紫一腔碧血洛河水閨中更有
梁鴻妻守死不去甘如飴大婦小婦相提攜一朝山下
雙磨笄我從丹青見顏色凜凜霜棱不可逼讀君佳傳
重太息別有悲憤生胸臆昔我僚壻何其賢與君同姓
兼同年其死在後君在先安義小縣彈丸然欲戰無兵
守無錢大呼殺賊張空拳視君之死何媿焉余僚壻周君祖諱字
雲笈亦庚子孝廉署方今

江西安義縣死難

萬今

天子重大節況臣死忠婦死烈允宜萬古作圭臬我念
故人亦人傑可與後先共頡頏箕尾忠魂同不滅愧我

作歌疲且茶表忠有碑俟來哲

自天竺踰棋盤嶺歷九溪十八澗至理安途中得
詩二章示從游者

我登棋盤嶺四顧何廓然其前錢唐江望見風帆船西
湖在其東有若明鏡圓視我所居樓了了在目前
盤輿偶此過一步一流連惜無可坐處勝概收未全
安得築一亭高據茲山巔

我行十八澗何其繚以曲重重疊疊山其妙總在複山
中何所有松竹襍蒼綠更喜高下閒襯以紅躑躅
籃輿偶此過一步一往復惜無可坐處勝景看未足
安得結

一庵深藏此山腹

秦小峴侍郎官浙時建東坡先生祠於孤山之陽
繪圖紀之嗣君澹如觀察出以見示時蘇祠亂後
重建圖亦失而復得也爲賦一律

玉局仙翁去不還尙畱祠宇傍湖山十年搖落干戈後
兩世風流翰墨閒我輩雪泥聊寄跡舊時春夢久從刪
詩人喜遇秦淮海咫尺蘇門倘許攀

聞撫王補帆同年述職入行次姑蘇以病請假
然觀其閩中留別詩似久有歸志矣因於西湖寓
樓次韵和之

榕城開府已三年抗疏求瞻詆蕩大海上輕裝將石載

江南春信在梅先

去年臘底得君書即言將北來

暫拋玉節偏多味小

住金閨亦有緣見說維摩新示疾不妨遲到五雲邊

利弊窮檐著意求八閩傳誦到杭州中興柱石無多讓

吾榜勳名第一流此日聞君將引疾有人越境苦攀留

杭州金少伯樞部深惜君去屬余至蘇力挽之

爲言四海思霖雨泰岱雲興莫

便收

君指鄉山樹幾株歸心早與白雲俱家園自有畱人桂

宦海原無消疾珠且喜妻孥習耕織好從里社養疏愚

翻嫌遲滯期難定容易菖蒲酒在壺

君與余書欲於重午前歸里

鄙人廿載謝名場不記班聯舊濟蹯幸有朋儕同嘯傲
頓敘詩興不殫唐和君平子歸田句已是淮南招隱章
只恐

璽書來闕下仍催述職到明堂

泥上寓園芍藥盛開偶作小詩

暫與名園作主人可無綺語謝花神杭州正喫毛頭筍
亦名貓頭筍見西湖志海上來看婪尾春醉蝶癡蜂遊戲慣嬌紅

膩紫翦裁勻須知樸學齋中客也喜風光到眼新園中舊有

湛華堂余易其額曰樸學齋示黜華崇樸也然對此名花亦不能無詩

贈張子剛

江西張燧字子剛事其嗣母至孝其母近百歲乃卒
子剛工詩畫有聞於時然至今猶以縣佐需次聞將
浮海北行見合肥相國故以詩贈之卽書於其便面
張子有真性居家孝可師扶持百歲母啼笑一嬰兒名
早遇偏晚行高官自卑送君從此去遭際果何時

彭雪琴侍郎退省庵在三潭印月與余所居詰經
精舍止隔一湖心亭耳過湖奉訪率成一律

退省庵中舊勒銘

余撰退省庵記并銘

今來相訪近南屏回看對

面孤山路

詒經精舍在孤山路

止隔當心一角亭閒趣儘容吾輩

領闌言試說老僧聽請從此夕推窗望上將星聯處士